

# Sermip erngullu avammut nioqqtissatut atorneqarnissaat pillugu Inatsisartut inatsisaata allanngortinneqarneranik Inatsisartut inatsisaat (Avammut nioqqtissatut pisortani pilersuisumit sermimik imermillu pisisinnaanermut inatsisimmi tunngaviusup allanngortinneqarnera)

## § 1

Sermip erngullu avammut nioqqtissatut atorneqarnissaat pillugu Inatsisartut inatsisaanni nr. 7, 31. maj 2001-imeersumi (sermip erngullu avammut nioqqtiginiissaannut inatsit), Inatsisartut inatsisaatigut nr. 3, 15. maj 2014-imeersukkut allanngortinneqartumit, makkua allanngortinneqarput:

1. § 4 kingorna ilanngunneqassaaq:

” § 4 a. Tamatuma saniatigut Naalakkersuisut ingerlatseqatigiiffimmut pisortat pilersuinermut ingerlatseqatigiiffiannit imermik pisinissamik isumaqtigiiissuteqartumut avammut nioqqtissatut imermik atuinissamut akuersissummik tunniussisinnaapput. Akuersissut kisermaassisinnaatitaanertut tunniunneqarsinnaavoq ”

*Imm. 2. Imm. 1 malillugu isumaqtigiiissuteqarneq, pilersuisussaatitaaneq aammalu inatsisit atuuttut naapertorlugit pisussaaffit allat eqqarsaatigalugit pissaaq.*

*Imm. 3. Pisortat pilersuinermut suliffeqarfisa imeqarfisa ilaannit imermik pilersuinissaq pillugu pisortat pilersuinermut ingerlatseqatigiiffiannut isumaqtigiiissuteqartoqarsimappat, pisortat pilersuinermut ingerlatseqatigiiffiat ingerlatseqatigiiffimmut namminersortumut isumaqtigiiissummi nammineerluni niuernermut tunngaviusut aallaavigalugit akigititanik, annertussutsinik ilaalu ilanngullugit aalajangersaasinnaavoq.*

*Imm. 4. Pisortat pilersuinermut suliffeqarfiaa aamma qinnuteqartup akornanni atuuttumik aammalu pisussaaffiliiffiusumik isumaqtigiiissuteqartoqarsimassasoq, imm. 1 malillugu atuinissamut akuersissummik tunniussinissamut piumasaqaataavoq.”*

2. §§ 5 imm. 1-imi aamma imm. 3-mi, 7, imm. 1-imi, 13, imm. 2-mi aamma imm. 3-mi, 21-mi 26-milu allanngortinneqarpoq ”§ 4 malillugu” imatut ”§§ 4 aamma 4 a malillugit”.

3. §§ 12, imm. 1-imi, 13, imm. 1-imi, 14-imi, 15-imi, 16-imi, 20-mi, 23-mi, 24-mi aamma 27, imm. 1-imi aamma imm. 2-mi allanngortinneqarpoq ”§§ 3-4 malillugu” imatut §§3, 4, aamma 4 a malillugit”.

**§ 2**

Inatsisartut inatsisaat ulloq 1. januar 2017 atuutilerpoq.

*Namminersorlutik Oqartussat, ulloq 28. november 2016*

Kim Kielsen

**Namminersorlutik Oqartussat**  
Imaneq 4  
3900 Nuuk  
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviat  
Naalakkersuisut